



Klatring i Ulvanåso

**Det nærmar seg sommar og norsk-klating.no presenterer 10 topp destinasjonar for sprekklatring. Det første vi møter når vi les det er Uskedalen og Ulvanåso som m.a. vert presentert slik: «Hadde Uskedalen ligget i Yosemite ville alle rutene vært klassikere».**

I omtalen er det tett mellom superlativa: 'Bombefaste granittvegger, klokkerene riss og nydelig natur – alt beliggende i en vakker dal på Vestlandet.'

Dei vel 50 rutene i den nye føraren vert omtala som passe lange storveggruter som også er passe harde. Derfor eignar dalen seg perfekt til ferieklating for den vanlege klatrar.

Skulle det vera tøffare typar, er det også utfordringar for dei. Uskedalen har noko for dei fleste – så om veret er i godt lune, vert ein garantert ikkje skuffa, vert det sagt.

De kan lesa meir om både Ulvanåso og andre klatre-eldorado på [norsk-klating.no](http://norsk-klating.no).

Litt kjekt å finna dette like etter å ha presentert ein familie som vil flytta til bygda på grunn av naturen som omgjev oss, og der familiefaren er klatrar.

Tekst og nett: Thor Inge Døsland  
Foto: Odd Magne Øgreid/norsk-klating.no